

日屈音其勿反今事漢則安存不事則危亡計何以過此諸大

人相難久之呼韓邪從其計引眾南近塞遣子右賢王

銖婁渠堂入侍師古曰婁音力于反郅支單于亦遣子右大將駒

于利受入侍是歲甘露元年也明年呼韓邪單于欵五

原塞師古曰欵叩也願朝三年正月師古曰會正旦之朝賀也漢遣車騎都

尉韓昌迎發過所七郡郡二千騎為陳道上師古曰所過之郡每

為發兵陳列於道以為寵衛也單于正月朝天子于甘泉宮漢寵以殊

禮位在諸侯王上贊謁稱臣而不名賜以冠帶衣裳黃

金璽師古曰璽古戾字戾草名也玉具劍孟康曰標首鐔

衛盡用玉為之也師古曰鐔劍口旁橫出者佩刀弓一